



ՀԱՍՏԱՏՈՒՄ ԵՄ՝

Շրջակա միջավայրի նախարարի պարտականությունները կատարող



Արամ Մեյմարյան

«02» 06 2026թ.

# ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 071 - 26

Նախաձեռնող՝

«ԹԱՂԱՄԱՍ» ՍՊԸ  
Երևան, Մաշտոցի 20/34

Գործունեությունը՝

Բազմաֆունկցիոնալ համալիրի կառուցում  
Տավուշի մարզ, Դիլիջան համայնք, Դիլիջան բնակավայր, Շահումյան 17/14

Առդիր՝ 5 թերթ

**ՊԵՏԱԿԱՆ ՓՈՐՁԱՔՆՆԱԿԱՆ ԵՋՐԱԿԱՑՈՒԹՅՈՒՆ**  
**ՇՐՋԱԿԱ ՄԻՋԱՎԱՅՐԻ ՎՐԱ ԱՋԴԵՑՈՒԹՅԱՆ ՓՈՐՁԱՔՆՆՈՒԹՅԱՆ**

ԲՓ № 071 - 26

« 02 » հունիսի 2026թ.

**Դիլիջան բնակավայրի Շահումյան 17/14 հասցեում «Մայրի» բազմաֆունկցիոնալ համալիրի կառուցման շրջակա միջավայրի վրա ազդեցության գնահատման հաշվետվություն**

Նախաձեռնող՝	«Թաղամաս» ՍՊԸ
Ներկայացված նյութեր՝	Շրջակա միջավայրի վրա ազդեցության գնահատման հաշվետվություն, նախագծային փաստաթուղթ /Բ կատեգորիա/
Գտնվելու վայրը՝	Տավուշի մարզ, Դիլիջան բնակավայր

**Ներածական մաս.** «ՄԱՅՐԻ» բազմաֆունկցիոնալ համալիրի 5-րդ գոտին նախատեսվում է կառուցել Տավուշի մարզի Դիլիջան համայնքի Դիլիջան բնակավայրի Շահումյան 17/14 հասցեում:

Հողի նպատակային նշանակությունը բնակավայրի է, իսկ գործառնական նշանակությունը կամ հողատեսքը՝ բնակելի կառուցապատման, գրանցված իրավունքի տեսակը՝ սեփականություն:

Նախատեսվող գործունեությունը հանդիսանում է Բ կատեգորիայի գործունեության տեսակ՝ համաձայն «Շրջակա միջավայրի վրա ազդեցության գնահատման և փորձաքննության մասին» (ՀՕ-150-Ն) օրենքի 12-րդ հոդվածի 4-րդ մասի 8 -րդ կետի ա. ենթակետի:

**Նկարագրական մաս.** Նախագծի մշակման համար հիմք է հանդիսացել 11-003-0217-0130, կադաստրային ծածկագրով անշարժ գույքի նկատմամբ իրավունքի պետական գրանցման N27032026-11-0083 վկայականը:

Նախատեսվող գործունեության տարածքը կառուցապատված չէ, համաձայն ՇՄԱԳ-ում ներկայացված տեղեկատվության առկա են ծառեր և թփեր, որոնք ամբողջությամբ պահպանվելու են, ծառահատում չի նախատեսվում: Տարածքի բացարձակ բարձրությունը տատանվում է 1196.5մ -1234.5 մ սահմաններում, ստորգետնյա ջրերը տարածքի կենտրոնական և հյուսիսային մասերում տեղադրված են 15-20 մետր խորությունների վրա:

Տեխնիկատնտեսական ցուցանիշներն են.

հողակտորի մակերես՝ 2470.4 մ<sup>2</sup>,

կառուցապատման մակերես՝ 988,16 մ<sup>2</sup>, (40.0%),

շենքի ընդհանուր մակերես՝ 6288.7 մ<sup>2</sup>,

կանաչապատման մակերես՝ 1400 մ<sup>2</sup> (56.6% ներառյալ բնական լանդշաֆթը),





Շինարարական աշխատանքների ընթացքում շինարարական թափոնները՝ 125 մ<sup>3</sup> ծավալով տեղափոխվելու են համայնքապետարանի կողմից համաձայնեցված վայր: Տարածքում ծառահատում չի նախատեսվում:

Շինհրապարակը նախատեսվում է ցանկապատել: Բետոնը շինհրապարակ է բերվելու պատրաստի վիճակում, բետոնաշաղախային հանգույցից:

Շինարարական աշխատանքների ավարտից հետո նախատեսվում է տարածքը կանաչապատել և բարեկարգել: Կանաչապատումն իրականացվելու է տարածաշրջանին բնորոշ ծառատեսակներով և բուսականությամբ:

Համալիրի կանաչապատման մակերեսը կկազմի ընդհանուր հողամասի 56.6%-ը (մոտավորապես 1400 մ<sup>2</sup>), մնացածը կկազմի կառուցապատումը, ներառյալ՝ սալվածքները և սպասարկման տարածքները: Կանաչապատման համար նախատեսվում է օգտագործել հողային աշխատանքների ժամանակ պահեստավորված բուսահողը: Կանաչապատումը կիրականացվի համաձայն կանաչապատման նախագծի, Դիլիջանի համայնքապետարանի հետ համաձայնեցված:

Հետազոտման տարածքը բնութագրվում է բնորոշ սողանքային ռելիեֆով, տեղամասի ընդհանուր լանջը համընկնում է «Կաղնի Խաչ» հնագույն սողանքային մարմնի հետ, որի ակտիվությունը կասեցվել է սողանքային մարմնի լեզվակային մասում՝ դրենաժային թունելի կառուցումից հետո: Հետազոտվող տարածքի լանջը սնող ջրեր չեն հայտնաբերվել հորոտանցքերում մինչև 7 մետր խորության սահմաններում:

Բուն գործունեության տարածքում Կարմիր գրքերում գրանցված բույսեր և կենդանիներ, պատմամշակութային և բնության հուշարձաններ չկան:

**Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները.**

- շինարարական հրապարակներում և մոտեցնող ճանապարհներին փոշու առաջացումը կանխարգելելու նպատակով օդի դրական ջերմաստիճանի դեպքում պարբերաբար իրականացնել ջրցան,
- շինարարական նյութերի (հատկապես սորուն շինարարական նյութերի, ինչպիսիք են ավազը, ցեմենտը, գաջը, խիճը, հողային զանգվածները) և թափոնների տեղափոխումն իրականացնել փակ ծածկով մեքենաներով,
- ցանկապատել շինարարական հրապարակները, շենքերը և շինությունները ծածկել շինարարությանը համապատասխան բարձրությամբ անթափանց թաղանթով,
- իրականացնել շինհրապարակ մուտք գործող և դուրս եկող մեքենաների անիվների լվացում,
- բացառել անսարք վիճակում գտնվող և արտահոսքեր ունեցող մեքենաների օգտագործումը,
- պարբերաբար իրականացնել օդի աղտոտվածության գործիքային չափումներ,
- տրանսպորտային միջոցների և սարքավորումների լվացման հոսքաջրերը հավաքել հատուկ տարողության մեջ և վերաօգտագործել շինարարական տարածքների ջրցանման համար,
- հեղուկ նյութերը տեղափոխել շինարարական հարթակ՝ հատուկ տանկերի վրա՝ հնարավոր արտահոսքերը բացառելու համար,
- շահագործման փուլում իրականացնել ճանապարհային նշանների, նշագծումների և անվտանգության տարրերի պարբերաբար ստուգումներ,



- շինարարական տրանսպորտային միջոցները և մեքենաների տեղափոխումն իրականացնել սահմանված երթուղիներով և աշխատանքային ժամերին (9:00-18:00),

Ընդամենը բնապահպանական միջոցառումների համար նախատեսվում է մասնահանել՝ 11 240 000 ՀՀ դրամ:

**Պատճառաբանական մաս.** Օրենսդրությամբ սահմանված կարգով՝ Տավուշի մարզի Դիլիջան բնակավայրի Շահումյան 17/14 հասցեում «Մայրի» բազմաֆունկցիոնալ համալիրի կառուցման վերաբերյալ իրականացվել են հանրային լուսմներ Տավուշի մարզի Դիլիջանի համայնքապետարանում, որոնց ընթացքում տեղական ինքնակառավարման մարմիններն ու հանրությունը հավանություն են տվել նախագծով նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, ներքին գործերի, կրթության, գիտության, մշակույթի և սպորտի նախարարությունները, քաղաքաշինության կոմիտեն, ինչպես նաև Տավուշի մարզպետարանն ու Դիլիջանի համայնքապետարանը:

Ստացված դիտողություններն ու առաջարկությունները հաշվի են առնվել հաշվետվության լրամշակված տարբերակում: Ներքին գործերի նախարարության կողմից ներկայացվել է մասնագիտական կարծիք, առ այն, որ գործունեության իրականացման տարածքը գտնվում է սողանքային գոտում և նախարարության կողմից պահանջվել է նախատեսել համապատասխան միջոցառումներ: Փորձաքննական գործընթացում ներկայացվել են ինժեներաերկրաբանական համալիր և երկրաֆիզիկական հետազոտություններ: Սողանքային երևույթները կանխելու նպատակով առաջարկվել են տեխնիկական և քաղաքաշինական լուծումներ, ինչի վերաբերյալ ներքին գործերի նախարարության կողմից լրամշակված հաշվետվության վերաբերյալ ստացվել է դրական կարծիք:

Ամփոփելով հաշվետվության բնապահպանական և սոցիալական ազդեցությունների վերլուծությունները՝ կարելի է եզրահանգել, որ շրջակա միջավայրի վրա հնարավոր բացասական ազդեցությունները, որոնք կառաջանան նախատեսվող գործունեության աշխատանքների իրականացման արդյունքում, կկրեն ժամանակավոր և տեղայնացված բնույթ և կլինեն թույլատրելի նորմերի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

### Փորձաքննական պահանջներ

1. Կառուցապատման աշխատանքների իրականացման ընթացքում հետևել ՇՄԱԳ հաշվետվությունում ամրագրված բնապահպանական պահանջների և միջոցառումների իրականացմանը, իսկ դրանց չբավարարման դեպքում ներառել լրացուցիչ միջոցառումներ՝ պարտադիր պահպանելով բնապահպանական նորմերը:
2. Նախատեսվող գործունեության իրականացման ընթացքում՝ ՀՀ օրենսդրությամբ սահմանված կարգով, պահպանել արտակարգ իրավիճակների և աշխատանքի անվտանգության կանոններն ու նորմերը:
3. Բետոնի տեղափոխումն իրականացնել ՇՄԱԳ հաշվետվությունում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:



4. Շինարարական աշխատանքների ընթացքում առաջացող թափոնների կուտակումն ու հեռացումն իրականացնել ՀՀ օրենսդրությամբ սահմանված կարգով՝ Դիլիջանի համայնքապետարանի հետ համաձայնեցված:
5. Կառուցապատման աշխատանքների ժամանակ իրականացնել մշտադիտարկումներ, ապահովելու նպատակով ՀՀ օրենսդրությամբ սահմանված կարգով, արտանետվող փոշու և առաջացող աղմուկի ու թրթռումների թույլատրելի մակարդակները:
6. Բացառել գործունեության իրականացման տարածքում ծառերի և թփերի հատումը:
7. Իրականացնել շինհրապարակ մուտք գործող և դուրս եկող մեքենաների անիվների լվացում:
8. Ապահովել փոշեճնշիչ սարքավորումների կիրառումը, առաջնորդվել քաղաքաշինության կոմիտեի նախագահի 2026 թվականի հունվարի 15-ի «ՀՀՇՆ 13-05-2026 «շինարարական արտադրության կազմակերպում» Հայաստանի Հանրապետության շինարարական նորմերը հաստատելու և Հայաստանի Հանրապետության քաղաքաշինության նախարարի 2008 թվականի հունվարի 14-ի N11-Ն ու Հայաստանի հանրապետության քաղաքաշինության նախարարի 2008 թվականի հունվարի 14-ի N07-ն հրամաններն ուժը կորցրած ճանաչելու մասին» N02-Ն հրամանի պահանջներով:
9. Հնարավոր սողանքային երևույթները կանխարգելելու նպատակով անհրաժեշտ է ապահովել նախագծով նախատեսված հակասողանքային և ինժեներական համապատասխան պաշտպանական միջոցառումները:

## ԵԶՐԱՓՈՒԿԻՉ ՄԱՍ

«Թաղամաս» ՍՊԸ-ի կողմից ներկայացված Դիլիջան համայնքի Դիլիջան բնակավայրի Շահումյան 17/14 հասցեում «Մայրի» բազմաֆունկցիոնալ համալիրի կառուցման շրջակա միջավայրի վրա ազդեցության գնահատման հաշվետվությանը տրվում է պետական փորձաքննական դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող՝

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ



Շիրինազ Մկրտչյան

Գոհար Մինասյան